

(Prijedlog)

**ZAKON O IZMJENAMA I DOPUNAMA
ZAKONA O SREDNJEM OBRAZOVANJU
(skraćeni postupak)**

Član 1.

Član 58.(definicije); dodaju se iza stava 5. novi stavovi (6) i (7) koji glase:

„ (6) U umjetničkim školama za muzičku i baletnu umjetnost redovno se mogu obrazovati i učenici koji pohađaju drugu srednju školu.

(7) Učenicima se priznaju ocjene iz općeobrazovnih nastavnih predmeta iz obje škole ukoliko se realizuju po istom nastavnom planu i programu.“

Sadašnji stavovi od (6) do (8) postaju stavovi od (8) do (10).

Član 2.

U članu 72. stav (4), iza riječi „ srednjoj školi“ dodaju se riječi „ i u istoj srednjoj školi , u skladu sa pravilima i pravilnikom škole i odlukom Nastavničkog vijeća „uz konkretnije navode, pa bi ovaj stav bio potpun i glasio:

(4) Učenik može steći izuzetan status paralelno upisujući i neko drugo zanimanje u drugoj srednjoj školi i u **u istoj srednjoj školi** u skladu sa pravilima i pravilnikom škole, odlukom Nastavničkog vijeća, te steći drugo zanimanje **pohađanjem** ili polaganjem razlike predmeta u odnosu na nastavni plan i program smjera po kojem se obrazuje.

Član 3.

U članu 73. iza stava (4) dodaje se novi stav (5) koji glasi:

„ (5) Izuzetno u srednju muzičku i baletnu školu mogu se upisati i nadareni učenici koji su završili najmanje osam razreda redovne osnovne škole, te uspješno položili eliminatorni prijemni ispit, uz uslov da do početka drugog razreda srednje muzičke škole moraju okončati obrazovanje u osnovnoj školi.“

Sadašnji stavovi (5) i (6) postaju stavovi (6) i (7).

Član 4.

U članu 77. iza stava (2) dodaje se novi stav (3) koji glasi:

„(3) Učenici koji osim srednje muzičke i srednje baletne škole redovno pohađaju i neku drugu školu, na osnovu izuzetnog muzičkog talenta mogu ostvariti specijalan status u drugoj školi“.

Sadašnji stavovi od (4) do (6) postaju stavovi od (5) do (7).

Član 5.

(Stupanje na snagu)

Ovaj zakon stupa na snagu osmog dana od objavljivanja u „ Službenim novinama Kantona Sarajevo „

OBRAZLOŽENJE

I – PRAVNI OSNOV

Pravni osnov za donošenje ovog zakona sadržan je u odredbama člana 12. tačka b) i člana 18. stav 1. tačka b) Ustava Kantona Sarajevo („Službene novine Kantona Sarajevo“ br. 1/96, 2/96 – Ispravka, 3/96 – Ispravka, 16/97, 14/00, 14/01, 28/04, 6/13 i 31/17), člana 59. stav (3) Okvirnog zakona o osnovnom i srednjem obrazovanju u Bosni i Hercegovini („Službeni glasnik BiH“, broj: 18/03) i člana 24. Okvirnog zakona o srednjem stručnom obrazovanju i obuci u Bosni i Hercegovini („Službeni glasnik BiH“, broj: 63/08) kojim je utvrđeno da će se zakoni nižih nivoa vlasti iz oblasti srednjeg obrazovanja uskladiti sa odredbama Okvirnog zakona.

Odredbama člana 18. stav 1. tačka b) Ustava Kantona Sarajevo utvrđena je nadležnost Skupštine Kantona da donosi zakone i druge propise u okviru izvršavanja nadležnosti Kantona.

II – RAZLOZI ZA DONOŠENJE

U umjetničkoj srednjoj muzičkoj školi, nije moguće paralelno pohađanje škole pored neke druge na način definisan ovim zakonom članom 73. stav (4), kao što nikad bilo nije, a zbog nemogućnosti savladavanja nastavnog programa specifičnih stručnih predmeta i instrumentalnog individualnog oblika rada, koji je ulančan i evaluiira iz nastavnog sata u sat do konačnog ishodišta. Jedan izostanak sa bilo kojeg stručnog predmeta onemogućava obradu naredne nastavne jedinice, programom definisane.

Novim zakonom o srednjem obrazovanju onemogućeno je da se u umjetničkim školama za muzičku i baletnu umjetnost, a u Kantonu i jedinom takvom školom, redovno obrazuju i učenici koji pohađaju i neku drugu srednju školu, što je bila praksa i za šta je postojala zakonska mogućnost od kada sa radom egzistira Srednja muzička i baletna škola i čija je organizacija rada, rasporedi i smjene usklađene sa istim.
(član 60. stav 4, prethodnog zakona).

Na ovaj način je napravljena diskriminacija djece/učenika u Kantonu Sarajevo u odnosu na djecu/učenike u drugim kantonima kao i u zemljama u okruženju, koja i dalje imaju zakonsku mogućnost istovremenog redovnog pohađanja srednje muzičke i druge škole.

Novim zakonom, ukidanjem iz prethodnog zakona član 60. stav 4, djeci/učenicima je uskraćeno pravo dodatnog obrazovanja u skladu sa njihovim sposobnostima, talentima, afinitetima, izborom i iznimnim radnim navikama i interesovanjima.

Ukidanjem dosadašnje mogućnosti redovnog obrazovanja u umjetničkoj srednjoj muzičkoj i baletnoj školi i nekoj drugoj školi, pored gore navedenog, stvorena je realna opasnost da učenici koji su se u ovoj umjetnosti obrazovali i u osnovnoj muzičkoj školi, nerado ne upišu samo u srednju muzičku školu jer su mladi za konačno opredjeljenje, a pri tome većinom iznimno nadareni, čime bi se direktno narušilo i dovelo u pitanje egzistiranje i škole, posebno imajući u vidu da je ovo jedina srednja muzička škola u Kantonu Sarajevo, budućnost muzičke i baletne umjetnosti, muzičke akademije, obrazovanja koje je pored edukativnog segmenta i važan kulturni segment društvene zajednice.

Bilo kakvo spajanje odjeljenja ili grupa nije moguće s obzirom da su na svim odsjecima različiti nastavni planovi i programi i najveći broj časova je individualni oblik nastave, pa bi se doveli u pitanje i pedagoški standardi.

Osim navedenog, na ovaj način, obezbjeđuju se prava svakog učenika na srednje obrazovanje u skladu sa njegovim sposobnostima koja su u ovakvim slučajevima iznad prosječnih, interesovanjima i mogućnostima.

III – OBRAZLOŽENJE PREDLOŽENIH PRAVNIH RJEŠENJA

Članom 1. omogućava se redovan upis djece u Srednju muzičku i baletnu školu istovremeno sa nekom drugom školom i definiše se način priznavanja/prijenosa ocjena iz općeobrazovnih predmeta.

Članom 2. omogućava se učenicima da paralelno steknu neko drugo zanimanje i u istoj školi u kojoj se već školuju.

Članom 3. daje se mogućnost izuzetnim talentima da upišu srednju muzičku i baletnu školu prije završetka osnovne škole pod uslovom završetka iste do upisa u drugi razred srednje muzičke škole, čime se djeca stavljaju u ravnopravan položaj sa nadarenom djecom u drugim kantonima i regionu.

Članom 4. definiše se sticanje specijalnog statusa učenika Srednje muzičke škole u drugoj školi koju pohađaju, imajući u vidu da se stručni predmeti i individualna instrumentalna nastava u srednjoj muzičkoj školi mora pohađati u kontinuitetu, redovno, a općeobrazovne predmete je moguće lakše savladati i prenose se u obje škole. (U Srednjoj muzičkoj školi ne postoji mogućnost vanrednog obrazovanja)

IV – FINANSIJSKI OKVIR ZAKONA

Za provođenje ovog zakona nisu potrebna finansijska sredstva